



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ
ԻՐԱՎԱԲԱՆԱԿԱՆ ՎԱՐՉՈՒԹՅՈՒՆ
ՎԱՐՉԱԿԱՆ ԱԿՏ N 1511731
ՀԱՐԿԱՅԻՆ ՊԱՐՏԱՎՈՐՈՒԹՅՈՒՆՆԵՐԻ ՀԱՇՎԱՐԿՄԱՆ ԵՎ
ԳԱՆՁՄԱՆ ԱՌԱՋԱԴՐՄԱՆ ՎԵՐԱԲԵՐՅԱԼ

13 ապրիլի 2021թ.

Բ. Երևան
(կազմման վայրը)

Ակտի հասցեատեր

«ԳԱԶՊՐՈՄ ԱՐՄԵՆԻԱ» ՓԲԸ «ԲՈՒԹԱՆ» ՍՊԸ

(անհատ ձեռնարկատիրոջ անունը, ազգանունը (անհատ ձեռնարկատեր նշումով) կամ իրավաբանական անձի անվանումը)

0	3	5	2	0	1	6	9
---	---	---	---	---	---	---	---

(հարկ վճարողի հաշվառման համարը՝ ՀՎՀՀ-ն)

Կոտայքի մարզ, Պտղնի համայնք

(անհատ ձեռնարկատիրոջ հաշվառման հասցեն կամ իրավաբանական անձի գտնվելու վայրի հասցեն)

Խախտման նկարագրությունը

ՀՀ ՊԵԿ ՀՕՀ վարչության պետի 23.02.2021թ. թիվ 1511731 որոշման համաձայն «Գազպրոմ Արմենիա» ՓԲԸ «Բուրան» ՍՊԸ-ի (այսուհետ՝ Ընկերություն) նկատմամբ իրականացված օպերատիվ-հետախուզական միջոցառումների արդյունքում պարզվել է, որ 19.03.2021թ. ժամը 11:00-ին Ընկերությանը պատկանող Կոտայքի մարզ, Վերին Պտղնի հասցեից դուրս է եկել «Զիլ 130» մակնիշի 997 AL 61 պետհամարանիշի բեռնատար ավտոմեքենան և ժ. 11:10-ին կայանել Կոտայքի մարզ, Վերին Պտղնի Երևան - Սևան մայրուղու սկզբնամասում:

ՀՀ ՊԵԿ ՀՕՀՎ աշխատակիցների կողմից իրականացվել է մեքենայի հետազոտություն: Հետազոտության արդյունքում պարզվել է, որ մեքենան վարում էր Ընկերության վարորդ Գերասիմ Գալստյանը, ով բանավոր հայտնել է, որ մեքենան բարձված է ընդհանուր 544 000 ՀՀ դրամ արժեքով 1600 կգ. հեղուկ գազով (1կգ-ի արժեքը 340 ՀՀ դրամ), որի վերաբերյալ իր մոտ առկա է որևէ հաշվարկային փաստաթուղթ:

ՀՀ ՊԵԿ տեղեկատվական բազայում առկա տվյալների ուսումնասիրությունից պարզվել է, որ վերոնշյալ տեղափոխման համար Ընկերության կողմից դուրս չի գրվել համապատասխան ուղեկցող փաստաթուղթ:

Վերոգրյալը հաստատվել է Ընկերության գլխավոր հաշվապահ Հայկ Ավագյանի կողմից 19.03.2021թ. ներկայացված գրավոր հայտարարությամբ:

Թիվ 1511731 արձանագրությամբ 22.03.2021թ. հարուցվել է վարչական վարույթ: Կողմը, պատշաճ ծանուցված լինելով, չի ներկայացել 31.03.2021թ. նշանակված վարչական վարույթի լուծմանը: Գործում առկա չեն լրացուցիչ ապացույցներ, չեն ներկայացվել միջնորդություններ:

Այսպիսով, Ընկերության կողմից խախտվել է ՀՀ հարկային օրենսգրքի 57-րդ հոդվածի 1-ին մասի պահանջները, ըստ որի ՀՀ տարածքում մատակարարվող կամ տեղափոխվող՝ շարժական, նյութական գույք հանդիսացող ապրանքների (բացառությամբ հանրային ծառայություններ մատուցող հարկ վճարողների կողմից հանրային ծառայությունների ենթակառուցվածքները շահագործելու և (կամ) սպասարկելու նպատակով տեղափոխվող ապրանքների, Կառավարության սահմանած ցանկում ներառված ոլորտներում գործունեություն իրականացնող հարկ վճարողների կողմից տեղափոխվող հիմնական միջոցների, ինչպես նաև խողովակաշարերով և էլեկտրահաղորդման գծերով ապրանքների և արտարժույթի) մատակարարումը կամ տեղափոխությունը պարտադիր կարգով իրականացվում է ուղեկցող փաստաթղթերով:

Կատարված խախտման համար պատասխանատվություն է նախատեսված ՀՀ Հարկային օրենսգրքի 410-րդ հոդվածի 1-ին մասի 2-րդ կետի ա) ենթակետի համաձայն, ըստ որի <<Օպերատիվ-հետախուզական գործունեության մասին>> ՀՀ օրենքով սահմանված կարգով իրականացվող օպերատիվ-հետախուզական միջոցառումների ընթացքում ապրանքների մատակարարման կամ տեղափոխության փաստաթղթավորման համար Օրենսգրքով սահմանված պահանջների խախտման՝ Օրենսգրքով սահմանված պահանջները չբավարարող ուցեկցող փաստաթղթով կամ առանց ուղեկցող փաստաթղթի ապրանքների մատակարարման կամ տեղափոխության հայտնաբերման դեպքում, բացառությամբ սույն հոդվածով սահմանված դեպքերի, խախտման հիմք հանդիսացող գործարքի կամ գործողության մասով՝ խախտման երկրորդ փաստ արձանագրվելու դեպքում գանձվում է տուգանք՝ անփաստաթուղթ ապրանքների գնի (արժեքի) 100 տոկոսի չափով, բայց ոչ պակաս 500 հազար դրամից:

Տվյալ դեպքում Ընկերության կողմից խախտումը վերջին 1 տարվա ընթացքում կատարվել երկրորդ անգամ (ՀՀ ՊԵԿ իրավաբանական վարչության 23.03.2020թ. թիվ 1508037 վարչական ակտ): Ապրանքների ընդհանուր գումարը կազմում է 544 000 ՀՀ դրամ, որի 100%-ը կազմում է 544 000 ՀՀ դրամ, ուստի օրենսդրական պահանջից ելնելով Ընկերության նկատմամբ կիրառելի է 544 000 ՀՀ դրամ տուգանք:

Ելնելով վերոգրյալից և ղեկավարվելով ՀՀ հարկային օրենսգրքի 428-րդ հոդվածի 1-ին մասով, ՀՀ ՊԵԿ նախագահի 28.08.2019թ. N 562-Լ հրամանով.

Որոշեցի

1. Հաշվարկել և «Գազպրոմ Արմենիա» ՓԲԸ «Բութան» ՍՊԸ-ին գանձման առաջադրել 544 000 ՀՀ դրամի չափով տուգանք՝ որպես հարկային պարտավորություն, համաձայն ստորև ներկայացված աղյուսակի՝

	Վճարման ենթակա գումար (դրամ)	Վճարման ուղղությունը	հաշվի համարը
Հարկային օրենսգրքի 410-րդ հոդվածով սահմանված տուգանք ընդամենը, որից՝	544 000	պետական բյուջե	900008000490

2. Ընդունել ի գիտություն՝

- 1) Սույն վարչական ակտն օրենքով սահմանված ժամկետում անբողոքարկելի դառնալուց հետո՝ օրենքով սահմանված ժամկետում վարչական ակտով առաջադրված տուգանքը չվճարվելու դեպքում, ենթակա է հարկադիր կատարման:
- 2) Սույն վարչական ակտն ընդունված է համարվում ստորագրվելու օրվանից և ուժի մեջ է մտնում հասցեատիրոջն իրազեկելուն հաջորդող օրվանից:
- 3) Սույն վարչական ակտն ուժի մեջ մտնելուց երկամսյա ժամկետում կարող է բողոքարկվել վարչական կամ դատական կարգով:
- 4) Սույն վարչական ակտը կազմվել է երեք օրինակից:

ԻՎ պետ Ա. Մնացականյան

Վարչական ակտն ընդունող պաշտոնադար անձի
պաշտոնը, անունը և ազգանունը

Կ.Տ.



ստորագրությունը

Ստացա ակտի մեկ օրինակը

ընդամենը 3 էջ

տնօրեն Հրաչյա Ասլանյան

Ֆիզիկական անձի անունը, ազգանունը
(անհատ ձեռնարկատիրոջ դեպքում՝ անհատ
ձեռնարկատեր նշումով) իրավաբանական անձի գործադիր
մարմնի ղեկավար (գրագրության ընդունման համար
պատասխանատու անձ՝ հատուկ առաքման դեպքում)

ստորագրությունը

„_____“ 2021թ.

(նշում ակտը ստորագրելուց և (կամ) ստանալուց հրաժարվելու մասին)